



Broj: 17-06-1-16-2-27-~~11~~/19
Datum, 30.03.2020. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javne nabavke, da se nakon sprovedenog otvorenog postupka za nabavku raznih kancelarijskih potrepština i opreme, zaključi okvirni sporazum sa ponuđačem **"PLAN PLUS" d.o.o. Zenica**, čija je ponuda u iznosu od **192,00 KM** bez uračunatog PDV-a ocijenjena kao prihvatljiva ponuda sa najnižom ponuđenom cijenom.

II

Izabrani ponuđač dužan je da dostavi dokaze o ispunjavanju uslova iz tačke 11. tenderske dokumentacije u roku od 5 dana od dana prijema ove Odluke.

III

Odluka stupa na snagu danom donošenja.

Obrazloženje

Granična policija BiH Odlukom broj: 17-06-4-16-2-27/19 od 23.12.2019. godine pokrenula je otvoreni postupak javne nabavke kancelarijskog materijala i potrepština. Na javnom otvaranju ponuda održanom 17.2.2020. godine konstatirano je da su ukupno pristigle četiri blagovremene ponude i to:

1. «AERO-EXCLUSIVE» d.o.o. Sarajevo bb sa ukupnom cijenom ponude bez PDV-a u iznosu od 989,85 KM;
2. «PRIMAPROM» d.o.o. Banja Luka, Ul. Vidovdanska bb sa ukupnom cijenom ponude bez PDV-a u iznosu od 1508,16 KM;
3. «ŽAD RMM» d.o.o. Kiseljak, Ul. Stjepana Radića bb sa ukupnom cijenom ponude bez PDV-a u iznosu od 493,14 KM;
4. «PLAN PLUS» doo Zenica, Ul. Hasana Muminagića 2a sa ukupnom cijenom ponude bez PDV-a u iznosu od 457,74 KM;

Ponuda ponuđača «AERO-EXCLUSIVE» d.o.o. Sarajevo ocijenjena je kao prihvatljiva.

Ponuda ponuđača «PRIMAPROM» d.o.o. Banja Luka ocijenjena je kao prihvatljiva.

Ponuda ponuđača «ŽAD RMM» d.o.o. Kiseljak ocijenjena je kao neprihvatljiva iz razloga što ovaj ponuđač nije dostavio dokaze tražene tačkom 14. tenderske dokumentacije-tehnička i profesionalna sposobnost, odnosno nije dostavio potvrdu koju daje druga ugovorna strana o realizaciji ugovora, a nije dostavljen ni dokaz o pokušaju da se takva potvrda osigura.

Pregledom ponude ponuđača «PLAN PLUS» doo Zenica Komisija za javne nabavke konstatirala je da je ovaj ponuđač u obrascu za cijenu ponude kao ukupnu cijenu sa popustom bez uračunatog PDV-a upisao iznos od 457,74 KM. Ponuđači «AERO-EXCLUSIVE» d.o.o. Sarajevo i «PRIMAPROM» d.o.o. Banja Luka čije su ponude takođe ocijenjene kao prihvatljive ponudili su kao ukupnu cijenu sa popustom bez uračunatog PDV-a iznose od 989,85 KM, odnosno 1.508,16 KM.

Obzirom da je iz naprijed navedenih cijena vidljivo da je ponuđena cijena ovog ponuđača značajno niža od cijene druga dva ponuđača u skladu sa odredbama člana 66. Zakona o javnim nabavkama Bosne i Hercegovine zatraženo je da dostavi detaljno obrazloženje ponuđene cijene koje treba da sadrži i poređenje sa cijenama na tržištu kao i sve elemente koji čine ponuđenu cijenu. U ostavljenom roku ponuđač «PLAN PLUS» doo Zenica dostavio je detaljno pojašnjenje ponuđenih cijena koje uključuje ponude dobavljača kancelarijskog materijala i papira kao dokaz da su ponuđene cijene prosječne cijene artikala na tržištu Bosne i Hercegovine. Komisija za javne nabavke je ocijenila da je ponuđeno pojašnjenje cijene prihvatljivo pa je ponuda ponuđača «PLAN PLUS» doo Zenica ocijenjena kao prihvatljiva.

Komisija je odlučila da će ponuđači čije su ponude ocijenjene kao prihvatljive biti prijavljeni za učešće na E-aukciji i to kako slijedi:

1. «AERO-EXCLUSIVE» d.o.o. Sarajevo (preferencijalni tretman NE)
2. «PRIMAPROM» d.o.o. Banja Luka (preferencijalni tretman NE)
3. «PLAN PLUS» doo Zenica (preferencijalni tretman NE)

Komisija je konstatovala da je dana 13.3.2020. godine sa početkom 11.00 sati i završetkom u 12:00 sati održana e-aukcija. Nakon održane e-aukcije ponuđači su rangirani kako slijedi:

1. «PLAN PLUS» doo Zenica, Ul. Hasana Muminagića 2a sa ukupnom cijenom ponude bez PDV-a u iznosu od 192,00 KM;
2. «PRIMAPROM» d.o.o. Banja Luka, Ul. Vidovdanska bb sa ukupnom cijenom ponude bez PDV-a u iznosu od 193,00 KM;
3. «AERO-EXCLUSIVE» d.o.o. Sarajevo – Podružnica Tuzla sa ukupnom cijenom ponude bez PDV-a u iznosu od 202,00 KM;

Komisija je dala preporuku da se okvirni sporazum za nabavku raznih kancelarijskih potrepština i opreme zaključi sa ponuđačem «PLAN PLUS» doo Zenica čija je ponuda nakon održane e-aukcije bila sa najnižom ponuđenom cijenom od ponuda koje su ocijenjene kao prihvatljive. Članovi Komisije nisu imali izdvojenih mišljenja.

Shodno naprijed navedenom prihvaćena je preporuka Komisije za javne nabavke, te je odlučeno kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 10 (deset) dana od dana prijema odluke. Žalba se predaje putem Granične policije Bosne i Hercegovine.

DOSTAVITI:

- Ponuđačima (x4)
- Odsjek za poslove nabavke i logistike
- A/a

